



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Exercitiorvm Spiritvalivm

Capilla, Andrés de

Coloniae, 1607

Quando aquam cernimus. Exer. 50

[urn:nbn:de:hbz:466:1-53232](https://nbn-resolving.org/urn:nbn:de:hbz:466:1-53232)

Oblatio.

Offeremus Deo ardētissimum Seraphinorum amorem, qui amore diuinę Maiestatis ardent: vt illorum ardor nostram suppleat frigiditatem

Quando aquam cernimus.

Exercitium. 50.

Apoc. 21. Ego sitiēti dabo fontem aquę viuę gratis.

Ierem. 2. Duo mala fecit populus meus: me dereliquerunt fontem aquę viuę, & foderunt sibi cisternas dissipatas, quę continere non valent aquas.

Psal. 22 Super aquam refectiōnis educavit me.

Psal. 123. Nisi quia Dominus erat in nobis, forsitan aqua absorbuissent nos: Torrentē pertransiuit anima nostra, forsitan perirāsisset anima nostra aquā intolerabilē.

Consideratio.

Considerabimus Deū esse fontem aquę viuę, ex quo omnia, quę existūt, aut vitā vel perfectionē aliquam habēt, scaturiūt: & esse mare quoddā siue abyssū interminabilē omnis perfectionis, sapientię, misericordię & bonitatis.

GRA

Gratiarum actio.

GRatias referemus Deo, quod nobis largitus sit aquam ad quotidiana ministeria necessariam: quodque contactu sanctissimæ atque mundissimæ carnis suæ, quando in Iordane à S. Ioanne Baptista baptizari voluit, omnes aquas sanctificauerit, illisque virtutem regenerandi atque animas nostras in S. Baptismo, ab omnibus peccatorum sordibus purificandi contulerit.

Confusio.

PVdore suffundemur: considerando, quam breui tempore, puritas illa quæ per Sacri baptismatis lauacrum nobis collata fuerat, perdurauerit: cum statim redierimus ad animas nostras peccatorum maculis contaminandas.

Peti-

Petitio.

Rogabimus Deum, vt aqua gratiæ suæ nos abluat & refrigeret: vtque nobis largiatur aquam lachrymarum, qua sordes quibus peccata animas nostras sordidarunt, eluamus.

Oblatio.

Offeremus DEO aquam illam sanguine mixtam, quæ de latere Christi Redemptoris nostri, cum in cruce pro nobis mortuus, & lancea confossus fuisset, profluxit.

*Quando campos & agros
intuemur.*

Exercit. 51.

Psal. 103. Ascendant montes & descendunt campi in locum quem fundasti eis.

Psal. 64. Campi tui replebuntur vbertate.

Prouer.